

辦舌指南

卷二

圖辨舌指南卷二

鄆縣 曹赤電炳章撰述

紹興

周炳
越銘叅校

第二編 觀舌總綱

第九章 觀舌之心法

臨證觀舌最為可憑然亦未可執一正義云凡見黑舌問其曾否食酸甜鹹物因是物能染成黑色非因病而生也然染成之黑必潤而不燥刮之即退虛寒舌潤能染若實熱舌苔乾燥何能染及耶凡臨證欲視病人舌苔燥潤禁飲湯水飲後則難辨矣王秉衡曰淡白舌苔亦有熱病黃厚溌舌亦有寒症舌絳無津亦有痰症當以脈證便溺參勘又白苔食橄欖即黑亦然酸物食杞即黃又如燈下看黃苔每成白色然則舌雖可憑而亦未盡可憑非細心審察亦難免於悞治矣其他觀法再舉於后

一舌色 凡病人欲察舌之時宜先診而後食則苔之厚薄易分診而後飲則苔之滑濇易辨至於乾黑之舌又當以審拭其苔垢然後視其

形色紅赤者可治青黑者不可治亦望舌之所宜知也。

二舌質凡舌質亦有色如絳紅紫青藍即其色也血熱之症舌質底色紫又有大小如濕熱有痰之症舌質脹大滿口迹有齒印。

三舌尖凡舌尖屬心如滿舌白苔舌尖有紅刺此心火旺盛勿用溫燥之藥。

四舌心凡舌四邊有苔中心則無或中有直裂或有直槽或有橫裂皆心胃陰液不足亦忌溫燥。

五舌邊苔色與邊齊否舌邊缺曲如鋸齒者不治也舌邊紅者脾熱也舌邊青色一條者木尅土也胡玉海云舌邊肝膽部位有一點紫泡如黃豆大此熱毒歸臟在左者重在右者輕在中間更輕其證舌紅面赤而兩手見陰脈或脈來擺搖無根恍惚難憑者為不治也。

六舌根凡根後有無苔色接續有無大肉瘤亦須注意

七燥潤若以手摸之或滑潤或燥刺棘手有看之似潤而摸之燥者有看之似燥而摸之滑者

八 變換

劉吉人云。觀其變換與不變換。總之苔黃為正。白次之。無論

何症。若用藥當。皆由白而黃。由黃而退。由退復生新薄白苔。此為順象。若用藥不當。則由黃而白。由白而灰。由灰而黑。由活苔變為死苔。此逆象也。驟退驟無不由漸退此臨象也。更有氣聚苔聚氣斂苔斂氣化苔化氣散苔散氣散布苔亦散布氣凝聚而結苔亦凝聚而結氣結於一邊苔亦結於一邊故氣鬱之症苔邊整齊如石階之起邊線線內有苔線外無苔。但紅邊而已。若氣化則布散由密而疏散則不然。然齊一之邊矣。故苔有邊齊如斬者皆氣聚也有積滯抑鬱者也。

第十章 辨舌之形容

心者生之本。其經通於舌。其竅開於舌。故舌為心之外候也。察舌質形容可定內藏之虛實。觀舌苔垢色可以辨外邪之寒熱。所謂形容者。如舌之軟硬。舌之脹癟。舌之戰瘓。舌之歪邪。舌之伸縮。舌之吐弄是也。皆能辨藏府經絡之寒熱虛實。病之可治與不可治。於此已可判矣。故先錄此例如左。

第一節 軟硬

軟者。痿柔也。氣液自滋。硬者。強硬也。脈絡失養。有胃氣則舌柔。和無胃氣則舌板硬。舌軟者。軟而不能動也。舌紅痿軟。難言者。心脾虛也。心清語塞。舌軟無力。難言者。營衛不足也。軟而淡紅者。宜補氣血。深紅者。宜涼氣血。赤紅者。宜清涼藏府。紫紅者。宜寒涼攻濁。鮮紅灼紅者。宜滋陰降火。絳紅而光痿軟者。陰虧已極。不治之症也。舌萎軟黃燥。腹滿不得睡。將發黃也。聲亂音嘶。舌萎聲不得前者。因誤發其汗也。舌萎人中滿唇反者。脾經氣絕也。在病後乏力之時。舌亦萎軟不能言。養胃益陰。則自復也。

舌强硬者。如木舌。重舌。腫舌。大舌之類。皆藏府俱熱而心經尤為熱極也。舌忽腫而不便者。木舌也。舌腫滿口溢出如猪胞。氣息不得通。硬如木石者。血壅氣滯也。舌木硬者。厥陰病也。舌紅而强硬失音者。死候也。凡紅舌強硬為藏府實熱已極。不如燥火內伏。誤服溫藥。則舌根亦强硬不能言訖。或時疫直入三陰。皆裏症實熱。宜苦寒救補。湯即服。舌邊四圍紅色中間至根有乾硬黑色。如有長小舌。其上有刺者。熱毒堅結。大腸也。宜白虎合承氣湯下之。

者舌灰脣而硬宜豁痰亦有白苔乾硬如砂皮者俗名水晶苔此邪熱在表時津液已乾燥後雖入胃不能變黃宜增液承氣下之下後白苔潤澤者生凡疫症苔如積粉此火極水化若誤認為寒妄投溫燥其苔愈厚津液愈耗水不上升二火煎熬變白為黑其堅硬似鐵其厚似甲敲之戛戛有聲言語不清非舌卷也專用甘寒以充津如五汁飲增液湯之類大抵溫暑熱症舌硬不語下症為多雜症舌强硬胃氣將絕也如中風入臟則舌難言傷寒舌短亦為死症皆板硬無胃氣也凡板硬之舌不論何色不治者多有苔硬如石如繭裂為龜紋刮之不去在舌心者可治滿舌如是者不治

第二節 脹癟

脹者浮而腫大也或水浸或痰溢或濕熱上蘊癟者薄而瘦小也或心虛或血微或內熱消肉舌腫脹者病在血舌赤脹大滿口者心胃之熱也舌赤腫滿不得息者心經熱甚而血壅也舌腫大者或因熱毒或因藥毒也唇舌紫黯青腫者中毒也舌紫腫厚者酒毒上壅心火炎上也或飲冷酒壅遏其熱也舌紫短圓闊者食滯中宮而又熱傳厥陰也宜即下之如神

志清爽。舌脹大不能出口者。此屬脾濕胃熱鬱極化風化痰毒。延口也。邪在脾胃唇口亦腫也。如脹大不能出口。神不清者。病在心脾兩臟也。用大黃磨汁和入煎劑內。更須參辨苔色。如舌色白滑黑滑者。多由水氣浸淫者。宜通陽利水。黃膩滿佈者。由濕熱鬱而化毒。宜清濕火化毒。白膩黃膩者。痰濁相搏。上溢為脹也。宜蠲痰化濁。舌黃脹大滿口者。乃胃府濕熱蘊結不消也。舌紅脹大滿口者。乃心胃俱有熱毒也。紅舌脹出口外不飴者。熱毒乘心也。外用銀針。砭去惡血。以舌形圓大。胖軟者。足少陰虛症也。生人中黃末。摻之。

有紅點者。熱毒乘心也。若舌腫耳乾。下血不止。脚浮者六日死。足腫者九日死。腎絕也。又耳乾舌腫光絳。溺血。大便赤泄。足腫者。肉絕九日死。胃絕五日死也。嘉約翰云。舌之腫大。或有出於心火發炎。或因於疔毒者。或因於過服汞藥而致者。間有舌微腫一伸。出即現齒印者。舌瘍者。薄瘦也。舌肉屬心脾。心脾虛則舌瘦瘍也。亦須辨其苔色。若淡紅嫩紅者。心血不足也。紫絳灼紅者。內熱動風也。舌乾絳甚。則紫暗如猪肝色者。皆心血枯也。舌紫枯瘍形如猪肝色。絕無津液。乃不治證也。舌質

不赤中黃無苔枯瘦者乃過汙溼枯血燥死證也。舌紅乾癟不能言者亦死證也。舌紅乾癟能言者因證治之或可救也。

第三節 戰瘻

舌為心苗其伸縮展轉則筋之所為肝之用也。舌戰者舌顫掉不安也。舌紅而戰動難言者心脾虛也。汗多亡陽者有之。舌挺出振戰者多見於酒客濕熱病神經衰弱者大抵舌戰由於氣虛者蠕蠕微動由於肝風者習慣煽動更宜參之。舌色淡紅而戰者氣血俱虛也。嫩紅而戰者血虛液虧也。鮮紅而戰者血液虧肝風內動也。紫紅而戰者肝藏熱毒動風也。

舌瘻者舌軟而不能動也。為舌神經麻痺所致亦有暴久之分。如暴瘻多由於熱灼故常現於紅乾之舌如深紅者宜清涼氣血。紫紅者宜泄肝熱通府氣鮮紅宜滋陰降火色淡紅者宜補氣血。若病久舌色絳而瘻軟者陰虧已極津氣不能分佈於舌本為不治葉天士云若舌絳而不鮮乾枯而瘻者腎陰涸也。宜阿膠雞子黃地黃天冬等治之。吳坤安云舌形斂東伸不過齒紫絳

痿軟為肝腎陰液枯涸而敗。若其舌色紅澤而光或其色鮮紅者屬胃陰乾涸猶可滋養胃陰。章虛谷云舌本或短或痿而赤色苔厚者為邪閉色淡白如煮熟猪肝而痿者不論有苔無苔皆為正敗死不可治。

第四節 歪邪

歪者斜偏一邊也。瘻癰與偏枯常則當再辨其色。若色紫紅勢急者由肝風發瘻宜熄風鎮瘻色淡紅勢緩者由中風偏枯若舌偏歪語塞口眼喝斜半身不遂者偏風也。舌偏向左者左癱舌偏向右者右瘻宜補氣舒筋通絡化痰嘉約翰云舌伸出有偏於一邊者乃第九對腦筋壞也。偏右者則壞右之半面偏左者則壞左之半面而將發半身不遂之病也。

第五節 舒縮

舒者伸也。伸之無力者氣虛也。宜補中欲伸如有綿弔者經脈不和非燥即寒也。熱病舌難伸出伸則頻振語言不清者正氣虛弱之險症也。舌出不能收不能語者心絕也。舌伸長收緩面紅煩躁口渴溺赤者心經有熱也。舌形堅乾伸出似有摺紋者氣盛有火也。若形鬆潤如絮浸水中者氣

虛有濕也。舌常欲伸出口外者心有熱痰舌中脹也。常以舌舐唇者胃熱而唇燥也。舌伸出長而尖者熱已甚尚宜透邪。伸出圓長而平者熱已甚急宜清熱。伸舌圓短不能出齒外者熱已盛極速當瀉火。舌絳欲伸出而抵齒難驟伸者痰阻舌根內有肝風也亦有脾胃氣敗而舌短不能伸者因脾腎之脈連舌本其形貌面色亦必枯瘁多為死證如舌根黃尖白短縮不燥硬而麻木欲伸不能出者肝風挾痰也宜熄風化痰。伸而常舐唇者脾燥也紅舐者全舌必紫而兼瘀臟府為疫毒內攻逼迫心經所以舌出口外時動不止或舐上下唇左右角或舐至鼻尖不等皆宜苦寒清熱瀉府也偶時伸出弄唇者中蛇毒也伸出不收者痰涎上壅也若發熱口渴臨死舌出數寸者此女勞復陽氣虛極也陰陽易舌出數小者死證也病舌出不能收者心氣散也不治若舌枯細而長如絳色無苔或乾枯紅長而有直紋透舌尖者陰虧已甚心氣已絕於內不能上通舌根故不顯苔也必死若赤紫紅色中尚有黃黑膩苔者雖有直紋透尖仍宜作藏府

實熱治之。餘如乾紅舌。忽瘦而長為心氣絕也。亦不治。
縮者卷短也。舌係收緊不能伸長之謂也。凡舌短由於生就者無關壽夭。
若因病縮短不能伸長者皆危證也。邪陷三陰皆有此證。如邪客於少陰。
則舌卷而短。客乎少陽之絡。令人喉痛舌卷。口乾心煩。客乎陽明之筋。其
病支痛。轉筋。舌卷。客厥陰絡者。則舌卷唇青。卵上縮。凡舌短囊縮者屬熱。
極舌短囊不縮者屬虛。舌短而胖者屬痰濕。舌本短縮者屬陰。
證必目睛直視。男子囊縮。婦人乳縮。乃藏府熱極而肝血竭也。郭元峯云。
舌青紫而焦燥。或脹大。或卷縮者為熱證。然寒證亦必卷縮。筋脈得寒而
收引也。然苔不焦燥為辨。凡舌短縮强硬。神昏譫語。及素有痰病而舌本
硬縮。及神昏不語者。皆不治。舌本縮口噤唇青者。小腸府寒也。言聲憂懼。
舌本卷縮者。脾寒受邪木尅土也。舌形灰色漸乾縮者死證也。舌卷縮如
丹。嚥唾不得。足踝微腫者肉絕死證也。顧赤舌短卷者心病也。舌卷不能
言者亦心病也。汗出不流舌卷黑者心絕也。舌苔根黃尖白不甚乾燥短
縮不能伸出者風痰挾宿食也。宜清化劑中加薑汁竹瀝切忌滋膩去仍

外

縮者。內有所阻。猶可治也。舌縮邊卷者。胃液燥也。湯飲潤之。仍卷者。胃液燥極也。湯飲潤之。即坦者。病去而舌未和也。為可治。舌紅短而有白泡者。心火燔灼。因浮火不入血絡。故有白泡也。霍亂轉筋。舌卷陰卵入腹者。肝血涸也。中熱咽乾。善溺心煩。甚則舌卷卵上縮者。厥陰終也。皆不可治。竇漢卿云。一人無故舌縮短不能言。余用白芥子末醋調敷頸項下。即時能言。再服清脾降火藥。復用紫雪丹塗之。愈。陳遠公云。一人舌縮入喉嚨不能言語者。乃寒氣結於胸腹。用人參三錢。白朮五錢。肉桂乾薑附子各一錢。清水煎服。其舌自舒。此二證一由心脾。痰滯結熱。一由心脾虛寒。各有區別。故其治法亦一涼一溫。可不慎乎。

第六節 吐弄

脾主舌本。脾熱則吐舌。弄舌。舌伸長而收緩者。為吐舌。乃心脾積熱水不上濟。舌微出口外。而即收者。為弄舌。屬心脾虧損。兼有微熱。若心火亢盛。腎陰不能上制。所引舌往外舒。肝火助燔。風主動搖。胃熱相煽。舌難存於故舌。如蛇舐。左右上下。伸縮動搖。謂之弄舌。小兒總微論云。弄舌者。其證

有二。一者心熱。心繫舌。本熱。則舌本乾澀而緊。故時時吐弄舒緩之。二者脾熱。脾絡連舌。亦乾澀而緊。時時吐弄舒緩之。皆欲飲水。因心熱發渴。脾熱則津液耗。二證雖引飲相似。惟心熱面赤。睡即口中氣熱。時時煩躁。喜冷咬牙。治宜清心經之熱。脾熱者。身面微黃。大便稠硬。赤黃色。治宜微導之。不可用涼藥。又不可用下法。若悞下之。則脾胃虛。津液耗。又加五心煩熱。面黃肌瘦。變為疳也。馮楚瞻曰。凡舌出長而收緩者。名曰舒舌。微露即收。舌乾腫澀者。名曰弄舌。又曰弄舌者。是心脾結熱。舌絡微緊。時時舒舌。宜瀉黃散。徐徐服之。若大病後。弄舌者。大齒舌如蛇舐。伸縮動搖。唇焦舌乾。煩躁便穢。名曰弄舌。心脾熱也。慎齋用黃連湯。緩緩與服。凡弄舌搖頭者。癰病也。病人喜揚目。吐舌者。羊瘧也。

第十一章 辨舌之質本

質者舌肉也。本者舌本也。經云。唇舌者。肌肉之本也。平人察舌本。即知其脾之氣血。故無苔。則審舌之本色。有苔。則憑舌之苔也。皆無苔之謂也。如舌質生點刺。舌生辨暈。舌生星斑。舌生裂紋。及舌中凹。如剝去。及舌生凹。

塊舌苔之直橫皆燥熱傷陰。肓腸有燥矣。久留不去其證多險。茲將各狀
兼辨如下。

第一節 點刺

苔點凹而起瘰者。裏毒內伏也。凹而缺陷者。藏形萎頓也。苔點如粞者。內
有蟲蝕也。若苔現柵櫛紋。隱隱有點者。亦屬蟲蝕也。皆宜祛積殺蟲。亦有
紅舌中更有紅點。如蟲碎之狀者。熱毒熾甚也。宜苦寒清泄之。若舌絳碎
而有黃腐點者。此溫熱邪火蘊久不宣。蒸腐氣血化為淤濁。葉氏云。舌絳
而有碎點白黃者。當生瘡也。黃連金汁皆可用。即此症也。滿舌紅點墳起
者。心火燔灼也。宜即清之。若舌紫腫而起大紅點者。乃熱毒乘心以導赤
加犀連金汁。舌紅而有大紅點者。營熱甚也。苔白而帶黑點者。亦胃熱也。
舌苔青藍雜色如斑如點者。此疫癘穢邪也。舌本不紅苔滑者。為虛寒舌。
本赤而乾燥者。為實熱面赤舌。紅舌邊有一點紫泡如黃豆大。或舌邊缺
曲如鋸齒者。在左(屬肝膽)者重。在右者輕。在中間者更輕。舌赤起紫泡者。
心經熱極也。又有舌根白苔板厚如水泡形。而兩邊現紅肉兩點者。是下

焦寒水甚結真陽不宣也。如舌黑而灰或黃而發泡生蟲蝕腐爛雖為濕

熱亦屬肝傷俱為危候

舌常有刺也無刺者氣衰也刺大刺多者邪氣實刺微刺少者正氣虛葉天士云舌上生芒刺者皆上焦熱極也當用青布拭冷薄荷水揩之即去者輕旋即生者險矣章虛谷云凡舌生芒刺者苔必焦黃或黑無苔者舌必深絳其苔白或淡黃者胃無大熱必無芒刺或舌尖或舌邊有赤小瘰是營熱鬱結當開泄氣分以通營清熱也如白滑灰刺如濕潤刮之即淨為真寒假熱乾厚刮不淨是脾胃濕熱困心肺裏症熱極也白苔黑刺滿舌者如刮之黑刺即淨光潤不乾渴不多飲在雜病為真寒假熱若刮之不淨乾燥粗濶乃表經皆熱極傳入陽明裏症始有此舌又有白苔滿佈中有硃砂點子者是暑疫失解抑鬱心陽宜涼透開泄之如厚黃苔燥刺或邊黃中心焦黑起刺脣腹脹滿硬痛乃陽明裏症也若純紅鮮紅起刺此胆火熾營分熱即用犀角知丹等清解之如舌尖獨赤起刺心火上炎之故犀角合導赤散以涼散之若舌紅極而有黃黑芒刺者熱毒入府也

調胃承氣湯下之。若舌起紅紫刺。心經極熱而又受疫邪薰蒸而發也。若舌尖灰黑乾燥起刺。是得病後如常飲食乃熱極津枯宿食不消也。宜調胃承氣湯下之。若黑而燥刺。是熱邪已入太陰。宜清火解毒。津液枯涸宜甘露飲。黃而生芒刺。黑點者為熱勢極。黃而瓣裂者為胃液乾下證尤急也。舌中紅赤點目黃頭汗小便不利者將發黃也。

第二節 辨暈

苔起辨暈。由藏府實火薰蒸見於溫濕瘟疫等病為多。辨則黑色為多。暈則灰黑為多。辨則一二辨尚輕三四辨已重六七辨極重而難治。石室秘錄云。凡舌見黃苔而隔一瓣一瓣者乃邪濕已入大腸。即用大黃茵陳下之。若舌黃而濕中有花瓣形者。熱入胃府。邪毒甚也。石頑云。極黃而瓣裂者為胃液乾枯。宜增液湯即下之。亦有黑苔生芒刺及燥裂紋隔瓣者。先用青布蘸薄荷湯拭潤。以生薑切平擦之。擦去隔瓣看下辨底舌質紅者可治。宜即下之。若舌質俱黑為不治矣。舌黑腐爛者心腎俱絕更不治。暈則一暈尚輕。二暈則重。三暈必死。亦有橫紋二三層者與此相同。宜急瀉。

火解毒急下存陰。服至灰暈紋退淨則氣津血液漸復可愈。凡灰色苔起深黑重暈者溫熱疫毒傳偏三陰也。熱毒傳內一次舌增灰暈一層最危之症。急用涼膈散大承氣湯等下之。凡舌有純灰色中間獨兩暈黑者亦瘟疫熱毒將入腎也。亦有舌根淡紅中有紅暈一圈而弦又純黑者乃心包絡蘊熱後受邪火二火相逼故現此舌宜即下之亦有舌邊黑暈二重而中心紅者乃陽明熱毒傳厥陰心胞亦當急下。若舌苔上見圓暈分三色者乃燥熱內結燥糞不下之候其證必險。

第三節 星斑

星者較點大也。亦屬藏府血分熱也。凡純紅舌而有深紅星乃藏府血分皆熱也。燥火疫毒及實熱症誤用溫燥藥皆有之。吳坤安云舌現紅星此因熱毒乘心外證必神昏訖語宜用苦寒急瀉其陰狂亂者非川連金汁不解石頑云紅舌中起紅星心包火炎也消膈散主之。若舌淡紅尖起紫色苔當星點乃熱毒中心血也時疫酒濕梅毒等證皆有之宜犀角大青銀翹金汁等解之。舌紅而起白星點者乃心火有邪也。若紅舌上起白星